

欽定中樞政考

功牌准加級紀錄

議處待衛

辦理

陵寢事務貝子公等罰俸分別公私

親王郡王等降級

宗室王公兼職任處分

議處世職分別去留

世職革職分別承襲

文武職任兼銜降革處分

參領兼佐領處分

職任兼世職降革處分

世管佐領降革處分

原任陞任等官處分

護任官減等議處

愿任署事官員分別議處

承緝督緝官員離任分別限內限外應議處

分

議處內務府官員

議處軍營派守卡倫人員

議處出師屯種人員

屯種駐劄官員暫停開缺陞任將原議處分
請

音

伊犁官員罰俸減半坐扣

議處記過官員

鄰境獲犯酌減議處

辦事無過議敘

族長議敘

王等屬員斥革分別奏咨

加級隨帶

陞任各官並滿洲侍衛等官補放緣營查係
陞任者原任內所有軍功加級准其隨帶其
曾經奉

旨賞給隨帶之級並議敘及捐納所加之級原有隨
帶字樣者仍准隨帶其餘一切加級每一級
改爲紀錄一次如對品調補之官所有一應
加級均准帶於新任

一世職所得加級後經補授職任官其職任品

級與世職相等或較小於世職者俱准隨帶
若職任品級較大於世職者查明應隨帶者
准其隨帶應改紀錄者改爲紀錄至職任所
得加級後經承襲世職無論職任兼與不兼
若世職品級與職任相等或較小於職任者
俱准隨帶若世職品級較大於職任者查明
應隨帶者准其隨帶應改紀錄者改爲紀錄
其佐領所得加級後陞參領以上等官雖仍
兼佐領者亦將加級查明應隨帶者准其隨

帶應改紀錄者改爲紀錄

旗員品級相等加級改紀

一綠營提督補放八旗都統各駐防將軍八旗

副都統補放前鋒統領護軍統領綠營總兵

補放副都統

體制較崇應照陞任官之例加級改爲紀錄

頭等侍

衛前鋒參領護軍參領驍騎參領補放

陵寢總管

體制較崇應照陞任官之例加級改爲紀錄

各駐防城守尉

專城大員

體制較崇應照陞任官之例加級改爲紀錄

圓明園並內外火器營烏鎗護軍參領補放營總

管理二旗係屬兼轄應照陞任官之例加級改爲紀錄

健銳營並內外

火器營叅領委署翼長補放翼長

兼管四旗
係屬統轄

且係由委署而實授應照陞
任官之例加級改爲紀錄

八旗佐領補放

副驍騎叅領

佐領爲專管副叅領爲兼轄應
照陞任官之例加級改爲紀錄

步軍校補放步軍副尉

步軍校爲專管步軍
副尉爲兼轄應照陞

任官之例加
級改爲紀錄

前鋒校護軍校驍騎校補放藍

翎侍衛

體制較崇且有食俸食餉之分應
照陞任官之例加級改爲紀錄

又

加銜不開原缺各官如八旗驍騎校補放

務章京

更換五品頂帶且辦理一旗印房事
務應照陞任官之例加級改爲紀錄

委署開缺各官如

圓明園護軍校補放委署護軍叅領外火器營烏

鎗護軍校補放委署烏鎗護軍叅領健銳營

前鋒校補放委署前鋒叅領

開缺不兼本任應照陞任官之

例加級改

其餘對品調補各官

如副都統補放總兵頭等

侍衛前鋒叅領護軍叅領驍騎叅領補放王府長史頭等侍衛補放前鋒叅領驍騎叅領

護軍叅領驍騎叅領補放護軍叅領驍騎叅領補放前鋒侍衛副護軍叅領副驍騎叅領補放

及王府司儀長二等侍衛副驍騎叅領補放副護軍叅領二等侍衛補放前鋒侍衛三等

等護衛五品典儀補放包衣叅領之類

任兼攝各官

如頭等侍衛補放隨同辦事章京二等侍衛補放侍衛班領護

軍參領補放隨同辦委署陞銜仍兼本任不
事章京司鑄長之類

開原缺各官如內外火器營管總補放委署
署翼長步軍協尉補放辦翼尉左右兩翼

前鋒校補放委署前鋒侍衛及內火器營
第護軍校補放委署鳥鎗護軍參領並行指

領八旗護軍校補放委署護軍參領前鋒校

護軍校驍騎校補放任內加級均毋庸改爲

委署步軍校之類

紀錄

一凡陞任調任加級應改紀錄各官如係軍政

卓異之員將卓異查銷加級一併改爲紀錄

恩詔加級

一內外武職如由推陞題陞揀補以及拔補官

員應行引

見者俱以引

見奉

旨之日爲斷毋庸引

見者以具題奉

旨之日爲斷凡引

見及題准奉

旨之日期在

恩詔以前者無論到任先後均於現任內給予加一

級

因公降級留任罰俸案件抵銷

雍正三年九月內奉

上諭朕體恤臣工凡官員辦事著有勞績者無論大小俱勅部議敘其有過誤致干吏議者亦照例處分夫一人之身有功有過一官之級有降有加舊例官員降級留任停其陞轉必三年無過方准開復降後雖有恩詔加級不准抵銷殊非以功補過開入自新之義嗣後降級留任官員遇有恩詔及議叙加級俱准以加一級抵銷降一級庶人皆奮勵勉圖後效亦鼓

銓吏治之一道也至降級後捐納加級者不得抵銷
前案特諭欽此

一部議降級留任之員除戴罪圖功並承督未完等案應俟本案完結日開復不准先行抵銷外其因公里誤降級留任隨案議結者加級紀錄俱准抵銷至降級留任以後遇有

恩詔加級及議敘加級俱准抵銷如罰俸案件並無展參事屬因公者續有議敘紀錄亦准抵銷若捐納加級紀錄查其上庫日期如在該將

軍都統副都統等未經具奏及初次具題初次出咨之前者准其抵銷若已在該將軍等題奏出咨以後者概不准抵銷至命案四叅降級之案其未起四叅之前捐納加級准其抵銷已起四叅之後捐納加級不准抵銷

分別公私抵銷處分

乾隆三十三年十一月內奉

上諭兵部議處古州總兵德興一案前經降旨俟德興
來京再降諭旨今德興到京覈其被劾情節乃係囑
令屬員買物發價遲延又將隨帶使令之人拔補名
糧皆係自犯私罪非因公墾誤可比該部議以降調
准將加級抵銷所辦非是著將原本發還另行定議
題覆內外文武各官遇有承辦事務如失察遲延之
類其錯誤本屬因公自應將加級紀錄准其抵銷若

意涉營私於政事官箴皆有關繫而該員得藉加級紀錄爲護符吏議不能持其後殊非黜陟公明本義況內閣票擬現以公罪私罪分別夾簽獨吏兵二部所定准抵條例未能明晰周備豈獨書吏得以爲撞騙之媒苟非朕留心察查卽堂司官亦得以高下其手且因公者事雖重大其情實輕因私者事雖細微其情實重自來宥過無大刑故無小真古今不易之論嗣後吏部兵部議處文武各官一以公罪私罪爲斷其被議之事本屬因公者仍照例准抵外其因犯

私罪交部議處者一概不准抵銷庶辦公者得邀寬
與而營私者不致長奸於澄敘官方之道更爲允以
著爲令欽此

凡公罪內有例內聲明不
准抵銷者仍不准其抵銷

議處官員分別公私

嘉慶二十五年十月內奉

上諭軍機大臣六部議覆整飭部務條陳一摺所議甚是大部律令務在持其大綱則政清而易理外省庶務原皆責成於地方官此在督撫分別賢庸劣舉錯公明自收得人之效其或不效則督撫豈能辭咎部中多立科條州縣無日不奉行具文轉荒其教養本務於事何益而公罪繁多賢吏或因此廢黜不肖者巧於規避部書得以舞文納賄

欽定四庫全書
皆由於此嘉慶十八年會

勅吏兵二部刪改例條該部未能實力遵行又

諭題調要缺不計因公處分而該部續議章程仍多牽
混殊不知公罪從嚴則中材以下之官益多巧避
嚴其經徵處分則多墊欠而挪新掩舊卽成虧空
嚴其承緝處分則多諱盜而縱惡養奸轉貽大患
故曰徒法不能以自行著吏兵二部各將處分則
例悉心確覈於各條下皆註明公罪私罪字樣其
公罪有至降調革職非事關重大者酌改從寬

部繁苛無當處分例文互商裁汰務歸簡明其公
罪處分除盜案及正項錢糧停陞外餘皆不呈推
陞至題調要缺則一切因公處分皆毋庸計算各
纂成例冊呈覽至六部事務繁繁一事到部無論
題奏咨行皆當細心確覈固不當遲延積壓亦斷
不能各限以五日而畢堂官不能每日全行進署
若有緊要事件禁止私宅稟商勢必坐待以致延
誤除弊之道殊不在此餘依議欽此

議處事件抵銷

嘉慶十一年五月內奉

上諭近來吏兵二部於議處文武官員例應降調者往往有援引定例仍於摺尾聲敘應否准抵請旨定奪其意不過以部臣原係聲明雙請凡從嚴處分者係屬出自上裁歸怨於朕朕爲天下共主原應任怨而諸大臣必欲市恩邀譽其意何居文武官員公私罪案處分如應降若干級及應否留任准抵之處均有定例可循部臣自應參酌案情按照定議卽或例文

有未盡貶備亦當比照確切酌中定議具奏俟奏上
披瀝時或其人照例處分本重經朕特加寬宥此則
恩出自上其或照例處分較輕而特改從嚴者朕必
降旨宣示如果部臣原議於定例並未舛誤朕亦斷
不加之責備若將例應嚴議之案動以請旨定奪爲
詞是部臣欲博寬厚之名而轉以嚴刻歸之於上殊
非實心任事之道嗣後吏兵二部辦理議處案件務
當屏除積習詳細覈例公同悉心定議不得輒用請
旨定奪字樣爲調停兩可之說欽此

嘉慶十四年四月內奉

兵部題遵旨查議成都副都統東林一本昨因東林
未經派出來京祝嘏輒行奏請赴闕叩祝且摺內語
多繁絮特降旨申飭並交部查議該部議將該副都
統照違令例罰俸九個月復聲敘查有紀錄次數應
否准其抵銷請旨遵行殊屬非是此係特旨交議之
件何得率行議抵兵部堂官辦理此案未免徇情著
交部察議東林卽著罰俸九個月不准抵銷嗣後如
再有自行奏請來京祝嘏者卽著照此辦理亦毋庸

再交部議欽此

嘉慶二十二年三月內奉

上諭向來部院遇有議處事件每因查被議之員有無
加級紀錄以致議奏遲延嗣後著於奉旨五日之內
卽行議上其例不准抵者於摺尾聲明卽係應以級
紀錄抵者亦毋庸先行查計著於摺尾聲敘均係應
行議抵之案可否准其抵銷請旨遵行如奉旨不准
抵銷毋庸查計若准其抵銷再行查明覈辦欽此

嘉慶二十二年三月內奉

奏准條例凡

特旨交議及
諭旨並
諭令查

叅議處事件均分別公私辦理如係私罪於
指尾聲叨係屬私罪毋庸查抵若係公罪於
摺尾聲叨可否將敘紀抵銷之處恭候
欽定至不由部議欽奉
特旨降調降留
罰俸之件兵部毋庸
復行請
旨抵銷

特旨交議事件五日內具奏專案具題之件二十日

具題

嘉慶二十二年十一月內奉

旨吏部議處事件奉特旨交議者仍依定限五日內專摺具奏其各衙門自請議處及叅奏議處者事件繁多若概用摺奏未免繁瑣均著照例具題惟此內應專案具題之件亦當予以限期著定以二十日具題如有遲逾將該部堂司各官議處餘俱照所請章程辦理欽此

一內外衙門事件錯誤欽奉

特旨交議及

諭令查參議處者以聞抄到部之日起限五日內專摺具奏如會議之件主稿衙門限五日內繕稿移會各衙門以接到會稿之日起限五日內送回具奏如係私罪於摺尾聲明係屬私罪毋庸查抵若係公罪於摺尾聲明係屬公罪可否准將級紀抵銷之處恭候

欽定奏

旨後將准抵者再行查明加級紀錄抵銷歸入彙題
不准抵者卽分別開缺註冊其有議以降調
奉

旨准抵而該員並無級紀及雖有級紀而不敷抵者
卽奏明開缺

一將軍都統副都統自請議處自行檢舉自行
叅奏之案奉

旨交議者仍照例專案具題不得逾二十日之限如
係公罪准抵者卽於本內查明級紀議抵如

孫私罪亦於本內聲明毋庸抵銷

議處事件應否抵銷不得雙請

嘉慶十一年五月內奉

上諭近來吏兵二部於議處文武官員例應降調者往往有援引定例仍於摺尾聲叙應否准抵請旨定奪其意不過以部臣原係聲明雙請凡從嚴處分者係屬出自上裁歸怨於朕朕爲天下共主原應任怨而諸大臣必欲市恩邀譽其意何居文武官員公私罪案處分如應降若干級及應否留任准抵之處均有定例可循部臣自應參酌案情按

照定議卽或例文有未盡該備亦當比照確切酌中
定議具奏俟奏上披閱時或其人照列處分本重經朕
特加寬宥此則恩出自上其或照例處分較輕而
特改從嚴者朕必降旨宣示如果部臣原議於定
例並未舛誤朕亦斷不加之責備若將例應嚴議
之案動以請旨定奪爲詞是部臣欲博寬厚之名
而轉以嚴刻歸之於上殊非實心任事之道嗣後
吏兵二部辦理議處案件務當屏除積習詳細核
例公同悉心定議不得輒用請旨定奪字樣爲調

分別公私抵銷降級罰俸處分

一官員遇有部議降調降留罰俸各處分要其所犯情節實係因公者准其將任內加級紀錄按次抵銷外若係私罪不准議抵至不由部議欽奉

特旨降調降留罰俸之件毋庸復行請

旨抵銷若係

特旨交議之案由部於摺內聲明係私罪毋庸議抵

外若係公罪應於摺內聲明恭候

欽定其部議降調奉

旨加恩改爲降留部議降留奉

旨加恩改爲罰俸部議罰俸奉

旨加恩減半議罰如係公罪奉

旨准其抵銷由部查明加級紀錄抵銷具題若不由

部議經各該衙門覈議處分

如領侍衛內大臣議處侍衛之

類亦令各該衙門於具奏時分別敘明公罪

私罪奉

旨依議者移咨到部由部查明遵

旨分別應否准其抵銷具題

旗員紀錄合請抵銷

乾隆七年五月內奉

諭定例官員紀錄一次抵罰俸半年若遇罰俸一個月至五個月者因不至銷去一次紀錄遂不准抵銷照常罰俸又有因兩三案並發所罰之俸雖至銷去一次紀錄亦不准抵銷但官員等有因公事黽勉議敘紀錄乃因所罰俸少不至銷去紀錄遂不准抵銷照常罰俸於伊等生計亦屬無益嗣後旗員應罰之俸不至銷去一次紀錄者照王等紀錄之例暫行註

冊俟再遇罰俸案件合計抵銷以示朕體恤之至意
欽此

一內外旗員因公議處罰俸一個月至五個月
不至銷去紀錄一次者俱准註於紀錄再遇
罰俸合計抵銷如任內有紀錄四次又有罰
俸註抵之案再遇因公降級處分仍准其將
紀錄四次抵銷降一級其前議罰俸註抵之
案改爲補行實罰

加級紀錄分別抵銷

官員因公呈誤遇有議處之案應降一級者以加一級或紀錄四次抵銷應罰俸一年者以紀錄二次抵銷應罰俸六個月者以紀錄一次抵銷如係軍功紀錄二次准其抵銷降一級紀錄一次准其抵銷罰俸一年如遇有罰俸六個月之案將軍功紀錄一次抵銷免其罰俸仍給還尋常紀錄一次軍功加一級准其抵銷降二級如遇有降一級調用之案

將軍功加一級抵銷免其降調仍給還軍功
紀錄二次凡議處官員任內有軍功併隨帶
加級紀錄及尋常加級紀錄例准抵銷者兵
部於議處時查明將該員任內所有之加級
紀錄分別先將尋常加級紀錄抵銷再將軍
功隨帶加級紀錄議抵同日到部之案據其
犯事日期先後議抵係同日犯事先儘處分
重者議抵其事涉營私及例有專條不准抵
銷者於議處本內將不准抵銷之處聲明若

例無專條比照議處者除實係私罪外其餘所比之例雖原有不准抵銷字樣仍准其抵銷如任內遇有因公降級調用之案因級紀不敷抵銷者或任內有俸滿保送引

見奉

有記名遇有缺出陞用一次或保送應陞之缺擬陪引

見奉

旨記名遇有應陞缺出坐補一次或保送堪勝綠營

引

見奉

青記名照例陞用一次或保薦卓異一次等項亦俱
准其銷去一次抵降一級調用

一降補官員所有前任內加級紀錄俱准其帶
於降補任內若原任內有卓異加級應卽銷
除不准隨帶至軍政議降各官雖任內有軍
功加級及各項加級紀錄均不准抵銷降補
時仍准隨帶

降級兼議罰俸分別抵銷

一官員緣事處分應議降一級二級留任兼罰俸一年二年者除該員加級紀錄足抵降罰之數均准其抵銷外如加級紀錄不足抵降罰之數將現有加級先抵降級仍行罰俸或現有紀錄僅敷抵銷降級准其先抵降級仍行罰俸如現有紀錄不敷抵銷降級先抵罰俸仍行降級所議降級俟三年無過開復未經開復之先照所降之級食俸

加級准改紀錄

一內外旗員遇有罰俸案件若任內有因事出力欽奉

特旨恩賞加級及交部議敘加級願改爲紀錄抵銷
罰俸者准其呈明該管大臣咨部每一級改
爲紀錄四次照數抵銷遇陞任時查係隨帶
之級所改者毋論剩有幾次仍准隨帶
隨帶之級所改者若在前任抵銷過一次二
次或三次者其餘概行註銷若所改紀錄並

未抵銷罰俸祇准其以紀錄一次帶於新任
至

覃恩所加之級不准改抵

功牌准換加級紀錄

一旗員出征立功所得功牌或不敷議給世職之數有情願送部請換加級紀錄者一等功牌一個換給軍功加一級紀錄二次二等功牌一個換給軍功加一級三等功牌一個換給軍功紀錄三次四等功牌一個換給軍功紀錄二次五等功牌一個換給軍功紀錄一次卽將功牌查銷如遇有降級罰俸准其抵銷

議處侍衛

乾隆元年七月內奉

旨嗣後侍衛等差使遇有議處事件著領侍衛內大臣
卽行議奏欽此

辦理

陵寢事務貝子公等罰俸分別公私

乾隆四十二年三月內奉

旨管理宗人府旗務之王公等遇有罰俸案件如係私
罪均罰王公俸若係公罪俱各罰職任俸其辦理

陵寢事務之貝子公等雖無兼銜亦係在大臣分上辦
事理應照依管理宗人府旗務王公之例辦理嗣後
辦理

陵寢事務之貝子公等若因私罪罰俸仍罰伊等貝子

公俸外如係公罪卽照罰都統職任俸在伊等俸祿
內坐扣將此著爲例欽此

親王郡王等降級

一親王郡王貝勒貝子宗室公并外藩蒙古王公等遇有職任議處應行降級留任者每一級議罰職任俸一年抵銷應降級調用者卽於職任內議以降調

宗室王公兼職任處分

乾隆五十六年五月內奉

旨向來定例兼將軍副都統之宗室王公等遇有案件應與同事大臣降調者每降一級俱加倍罰該管職任俸四年抵銷第念因一案將同事大臣等俱行降王公等僅於兼管職任內罰俸抵銷並不降級仍行留任未免於宗室王公等稍存袒護殊失平允本日因偷盜內庫銀兩一案業經降旨將崇尚斌寧所兼職任俱行實降著交宗人府及該部嗣後凡兼職

任之宗室王公等遇有案件應與同事大臣降級調
用者均著照此次之例將宗室王公等所兼職任實
行議降其加倍罰俸抵銷之例著卽停止况所降者
兼任之級於伊等承襲原爵殊無干涉欽此

議處世職分別去留

乾隆三十年六月內欽奉

諭旨嗣後如在軍營奮勉出衆賞給世職官員等有罪革去職任官其本身所兼之世職可否仍留之處著旨具奏如係照常行走計其所得功牌議給者或原係職官著有微勞照例議敘所得者有罪革去職任官後卽行具奏將世職一併革退欽此

世職革職分別承襲

祖父所得世職承襲之子孫緣事應革職者
卽行議革查明應襲之人奏請承襲至本身
出征奮勉立功

賞給世職有犯貪污行止不端

如律載犯贓犯姦等款

將世職

黜革雖有襲次不准承襲其餘所犯之罪應

革職者免其黜革永停半俸俟伊身故後子

孫仍按次承襲支食全俸如係照常行走將

所得功牌歸併世職或原係職官著有微勞

照例議敘所得世職緣事應革職者卽行議
革雖有襲次不准承襲

文武職任兼銜降革處分

一武職兼任文職若有犯貪污行止不端因私罪革職者不輪何任事發將文武職銜一併革退若因公罪照溺職例革職及奉

特旨革退者查係武職任內之事所兼文職應去應留吏部具奏請

旨係文職任內之事武職應去應留兵部具奏請

旨其因私罪降級調用應一併議降若因公墾誤係武職任內之事就武職議降文職任內之事

就文職議降應否留其兼銜之處該部聲明

請

旨

叅領兼佐領處分

一正副叅領兼管佐領者因私罪革職無論佐領是否世襲俱行革職其有因公罪革職者將叅領及公中佐領一併革退若所兼佐領係屬世襲交該旗照世職之例請

旨主應議降調者均就大銜議降應降一級調用者將叅領降調外仍留佐領若由叅領降二級三級調用者係公中佐領照所降之級一併降調如係世襲佐領按所降級數每一級折

罰佐領半俸三年免其降調佐領外省協領
叅領兼佐領者俱照此例辦理

凡職任大銜兼小銜應議降級調用者均就
大銜議降如所降之級不及小銜者仍留小
銜若應降及小銜者將小銜一併降調遇有
降級留任罰俸銀兩均於大銜所食俸銀內
扣繳

職任兼世職降革處分

一職任官兼世職若有犯貪污行止不端因私
罪革職者應一併革退其世職該旗奏請另
襲若因公罪及照溺職例革職者所兼世職
應否存留該旗具奏請

旨其因私罪應議降級調用者應一併議降所兼世
職每一級折罰世職半俸三年議抵降級多
者以次遞增免其降調世職若因公坐誤於
職任內議降毋庸議及世職革職留任者係

由何任議處卽停何任之俸所剩之職尚有餘俸仍行給與降級留任者係由何任議處卽照何任品級扣俸

一職任官階較大於世職者由職任以私罪議降所降之級不及世職品級者毋庸議罰世職半俸應降及世職者按所降之級議罰世職半俸其世職品級與職任相等或較大於職任者過職任內私罪議降均按所降之級折罰世職半俸

一職任兼世職等官有緣事革去職任仍留世
職者其由世職任內所得加級紀錄仍准其
隨帶

世管佐領降革處分

一世管佐領本係世職惟佐領有辦理旗務之責與閒散世職不同若有犯貪污私罪及罷軟不職照溺職例革職者俱離任所遺世管佐領該旗另議承襲若遇私罪應議實降俸一級折罰世職半俸三年抵免降調若遇公罪應議實降除軍政叅劾浮躁才力不及與職任人員一律降調不准援抵外其餘因公望誤應議實降任內並無加級紀錄抵銷者

亦照折罰世職半俸之例辦理

原任陞任等官處分

一官員陞任後遇原任事發應行降調者如係
營私作弊等案情罪重大者俱於原任內議
以降調係因公墾誤情罪尚輕者於現任內
議以降調

一內外陞任官員尚未引

見遇有原任內因公降調革職并私罪降革留任處
分叅案到部仍於原任內議處將陞補之處
扣除係在引

見之後者卽於陞任內議處例有展叅之案查係罰俸完結者照離任官例議結如例無展叅應議降革留任者於新任內降革留任扣滿年限開復應罰俸者於新任內罰俸其毋庸引見各員并駐防屯田軍營出師人員以具題奉

旨之日爲斷分別議處至叅案到部遲延將開報遲延並督催不力各官照開報職名遲延例按其月日議處如覈其發覺日期在陞任以前而本員並不開報經接任官查出開報者將

陞任之員按其規避何項處分照本例加等
議處

一凡降調裁缺給假解任候補等官應行降革
留任者於補官日降革留任扣滿年限開復
應罰俸者於補官日罰俸初任官有應罰俸
者於到任日罰俸

護任官減等議處

嘉慶四年十一月內奉

旨兵部議處護太原鎮印務叅將富德降一級調用一
本固屬按例辦理但此案若係本任總兵徇庇自應
按例降調富德係叅將暫護總兵未必不以官職與
恩特赫默相等是以不行揭報若竟予降調與本任
總兵無所區別富德著改爲降二級從寬留任嗣後
遇有似此案件皆當分別本任護任照此辦理并著
該部纂入例冊欽此

一武職護任官於屬員年衰技疎差使怠惰等
事不隨時揭報者均照正任官例減一等議
處正任官應議降調者護任官議以降留正
任官應議降留者護任官議以罰俸該將軍
等於題參時將該員係暫行委護之處於疏
內聲明

歷任署事官員分別議處

一署任官失察各項案件覈其事犯在該員到任之後係本任內失察之案無論其署事月日多寡均照正任官例議處如係前官失察之案未經發覺接署官未能查出申報後經發覺覈其署事已及一月者與歷任各官一例議處若署任不及一月者應免其查議

承緝督緝官員離任分別限內限外應議處
分

一內外武職各官有承緝督緝各項未完案件
於叅限未滿之先或經別案降革離任裁缺
另補或終養離任其原任處分如係限滿之
日應議住俸停陞降俸降級革職及罰俸三
個月六個月九個月者俱以罰俸一年完結
若奉

特旨陞調原任內承緝督緝未完各案件覈其離任
次定中區改考四卷九

日期在叅限未滿之先者限滿應議住俸停
陞降俸降級革職等案亦以罰俸一年完結
如應罰俸三個月六個月九個月者各照原
任議處若告請病假離任未完案件例應住
俸停陞降俸及罰俸三個月六個月九個月
者俱以罰俸一年完結其降級革職仍按本
例議處并令該管上司將該員因何事故離
任之處隨案聲明以憑覈議

一奉

特旨陞調官員原任承緝督緝未完案件嚴其離任日期在本案案限已滿之後續經該大臣會叅到部者除應議住俸停陞罰俸之案仍以罰俸一年完結外如應議降一級留任者改爲罰俸二年降級調用者改爲降級留任應議革職者改爲革職留任均帶於陞任內扣滿年限開復

議處內務府官員

乾隆五十三年十一月內奉

上諭內務府奏請員外郎延標等循例開復一摺又議處副關防董濬照向例將降調處分改爲罰俸一摺此例因國初年間內務府人數本少職事較多是以定例遇有降調處分俱係改爲罰俸免其降調今內務府生齒日繁堪以當差者本不乏人其議處各員除奉特旨留任外自應照部院衙門之例按其情節輕重分別實降抵銷以示公允嗣後議處內務府官

員著查照吏部處分則例辦理其從前改爲罰俸之
例卽行停止除廷標等五員降調之案業已四年期
滿仍准開復外所有董濬一員卽照此例辦理欽此

議處軍營派守卡倫人員

乾隆十七年二月內奉

上諭兵部議奏將違例私將地畝典與民人之卡倫侍衛佛保應否革職仍令在軍營効力等語佛保係犯罪之員非尋常派出軍營者可比理應於年滿之後多留數年効力贖罪今乃僅將卡倫侍衛佛保議以年滿時令該將軍出具考語帶領引見所議未爲詳悉佛保著留軍營俟伊應屆三年期滿後再留三年効力贖罪嗣後如有似此者俱照此辦理欽此

議處出師屯種人員

一派往出兵及新疆等處屯種駐劄大臣官員
遇有議處之案應罰俸者准其註冊於事竣
之日補行罰俸應降級留任革職留任者仍
按年限開復其應完降革俸銀亦應於事竣
回京之日補行完繳應降級調用者帶所降
之級仍留軍營効力暫停開缺俟事竣回京
之日兵部將前案具奏請

旨未經開缺之前准照原缺支食俸餉等項其應行

革職者於議處本內將該員應否開缺准留
軍營効力支食半俸或作爲兵丁効力之處
聲明請

旨如奉

旨暫停開缺准留軍營効力者准食半俸俟事竣回
京之日兵部將前案具奏請

旨如作爲兵丁効力者支食披甲錢糧事竣回京毋
庸再行請

旨其派往出師屯種侍衛章京等官遇有降革處分

准留軍營効力暫停開缺者均俟事竣之日
該管大臣將該員出具考語給咨送部引

見請

旨其奉

特旨革職留在軍營効力者亦准其支食半俸至自
備資斧効力人員遇有降革處分註冊仍留
該處効力不准支食俸餉

一棄瑕錄用奉

旨賞給職銜自備資斧効力人員遇有議處之案應

欽定中樞政考

卷九

公式

完

罰俸者准其註冊於事竣補官之日補行罰
俸應降級留任革職留任者亦准其註冊俟
補官之日計滿年限將俸銀扣完者准其開
復如於未經補官之前所議降革留任年限
已滿將應扣俸銀全行繳完者亦准其開復
如應行降級調用者兵部於議處本內聲明
可否照原銜按級降頂帶之處請

旨如應行革職者聲明該員係棄瑕錄用之員應卽
行革職之處請

一伊犁新疆等處由內地派往換班及屯田各員遇有降革罰俸等案照新疆官員辦理至伊犁烏嚕木齊巴里坤等處駐防額缺大臣官員遇有處分毋庸註冊均照內地駐防一例定議

屯種駐劄官員暫停開缺陞任將原議處分
請

旨

一駐劄新疆辦事武職大臣緣事應降應革奉
旨暫停開缺仍留効力并續經補授京職者俱於事
竣回京之日兵部具奏請

旨如由差所奉

旨補授外省文職武職著赴新任者兵部卽將降革

案由奏

聞以可否改爲降級留任革職留任帶於新任之處
請

旨遵行

伊犁官員罰俸減半坐扣

一伊犁駐防滿洲索倫錫伯察哈爾額魯特部落協領等官因公罰俸減半坐扣

議處記過官員

一八旗官員承辦事件不加詳慎致有錯失其情罪不至特疏叅處者該管大臣記過一次報部存案俟積至三次該管大臣卽行咨部將該員照例議處

例載處分則
例公式門

鄰境獲犯酌減議處

一承緝盜案及各項限緝人犯其初叅二叅三

叅四叅限內並非該汛武弁自行拏獲

如犯被鄰

境別汛拏獲或經文職拏獲或係事主拏獲送官及盜犯自行投首之類承緝之

員應行酌減議處

詳處分則例公式門

至兼統上司如

係所屬員弁代為拏獲仍照舊例免議係別

屬員弁拏獲照承緝官酌減例於各該上司

本例酌減議處令該管大臣將是否所屬員

弁拏獲之處隨案聲明辦理如一案盜犯拏

獲首夥及半內有承緝武職拏獲數名又有

鄰境別汛文武拏獲數名或事主拏獲及盜

犯自行投首數名者

如一案盜犯九人十人均以拏獲五名為及半

承緝官僅拏獲一二名之類

承督緝各官於酌減之中再

行減等議處

詳處分則例公式門

至失察各項處分除

實係自行訪問獲犯究辦無論本例內載有

免議明文與否一概准其寬免外其案經別

處發覺

或由隣境關查或由旗民控告

而本員隨卽獲犯究

辦者或實係訪問在先因卸事而移交後任

獲犯者應各照鄰境獲犯之列減等議處
係失察官員兵丁家人滋事以致釀成人命
雖訪獲究辦仍應照例議處其未經釀命而
訪獲究辦者免議

辦事無過議敘

一八旗印房總辦俸餉檔房及叅領處彙辦事
件一年內並無逾限遺漏將承辦之員紀錄
一次其一佐領下事務三年內並無逾限遺
漏將佐領驍騎校紀錄一次該都統等於歲
底奏

聞咨明兵部存案如叅領等官兼管兼署佐領者三
年無過一體准予紀錄至領催承辦佐領下
事務三年內並無逾限遺漏應給紀錄之處

欽定大清會典事例
卷之九
該旗註冊於歲底造冊咨部存案俟補官日

附入現年應請紀錄官員摺內聲明奏

聞若未得官之日犯有過誤將註冊紀錄抵銷

一派管舊營房之章京驍騎校領催等三年無
過各給紀錄一次領催咨部註冊

族長議敘

一佐領下同族人內設立族長管束族人其獨
戶小族酌量兼管該都統等於男爵輕車都
尉騎都尉雲騎尉恩騎尉五六品廕生及舉
人貢生監生生員護軍領催內揀選人去得
能管束者補放報部若族長果能盡心教導
族人三年無過係現在官該旗於歲底彙奏
給與紀錄一次其舉人貢監生員護軍領催
等歲底造冊二本鈐蓋旗印一本送部存案

俟伊等得官日該旗報部補給紀錄一次一本該旗存案於伊等未得官之先遇有族長分內處分或別案罰俸該旗將伊從前應得紀錄之處一併咨部舉人貢監生員准照職官例將應得紀錄一次抵罰俸六個月護軍領催等將註冊紀錄一次抵銷鞭責四十此內如有兼文職者該旗彙奏後卽行造冊送部由部轉咨吏部註冊

王等屬員斥革分別奏咨

道光四年八月十四日奉

上諭前據兵部奏惇親王門上二等護衛恒廉遺誤
膳牌咨部革退經該部查明舊例王等所屬五品
以上官員如有過犯應行斥革者該王等叅奏後
交部查議入於半月彙題自嘉慶三年以後王等
從未叅奏交部該部亦卽據咨斥革歸入彙題與
例不符當經降旨仍照舊例辦理惟思此項官員
究係王府所屬遇有過犯該王等動輒奏聞未免

煩瑣其應如何變通成例分別應奏不應奏之處
著兵部妥議具奏欽此

道光四年八月二十日奉

旨兵部將王府應行斥革官員分別應奏不應奏請
旨嗣後王等所屬長史司儀長等官遇有過犯應
行斥革者由該王等據實叅奏如奉旨交部查議
由兵部專案具題至護衛五品典儀以上等官應
行斥革者無庸具奏卽由該王等轉咨兵部嚴議
彙題並著兵部於接到該王等咨文時仍覈其過

犯情節如果輕重懸殊該部卽行據實奏聞請旨
其六品以下等官如有過犯應行斥革者仍照舊
例咨行兵部革退並著該部纂入則例欽此